









德涵之武功王敦夫之鄂孫何  
仲嘿之雍大記崔子鍾之彰德  
童內方之涉湯邵國賢之許  
州外是而茂有聞焉是可易言  
已哉故陳公魯南著金陵世紀  
不蔓芳援不浮獎質直簡確一披  
卷而數千年之蹟俱在是固

所謂數家者類哉陳公南京  
嘗手繪金陵圖鏤板以傳而後  
為是書又善如此固知生其地  
躬履目覩占傳聞異詞者遠也  
而金氏在衡更加校讐玉陽史  
君為壽之梓事垂久遠可期也  
二君誠有力哉紀凡四卷分類一



十有八陳云庶官文章皆前有  
著茲不具詳也

隆慶三年首夏

賜同進士出身奉政大夫南京禮部  
儀制清吏司郎中前翰林院  
檢討順陽李蓀纂

金陵世紀目錄

一卷

- 紀都邑 一
- 紀城郭 二
- 紀宮闕 三
- 紀郊廟 四

二卷

- 紀官署 五
- 紀廳泮 六
- 紀衢市 七
- 紀第宅 八
- 紀樓宇 九

三卷

- 紀山川 十
- 紀驛路 十一
- 紀津梁 十二
- 紀臺苑 十三



四卷

紀陵墓

四十

紀祠祀

五十

紀寺觀

六十

紀雜遺

七十

紀賦咏

八十

西都有三輔黃圖東京有夢華錄臨安有武林遺事金陵六朝迭興

皇明肇定神鼎不有大紀何以自別故首都邑城郭宮闕郊廟以大神明之區次官署廳泮衢市第宅樓宇以別規制之等次山川驛路

津梁臺苑以表畿土之會次陵墓祠祀寺觀以稽經代之遠附雜遺以標名物之盛終賦詠以表賢哲之迹而名之曰金陵世紀

嘉靖丁酉春日石亭陳沂識



金陵世紀卷之一



翰林侍講石亭陳沂編輯  
太僕少卿王陽史際校梓  
上元逸史白嶼金鸞增訂

紀都邑 其一

唐虞夏商

揚州之域

周

揚州之域



越滅吳城於長干里

楚滅越置金陵邑於石頭

秦

揚州 鄣郡

改金陵邑為秣陵縣始皇東遊會稽過吳從

江乘浦渡置江乘縣

西漢

揚州 置刺史

改鄣郡為丹陽郡治建業秦淮之南改秣陵

縣為建業郡

孫吳

揚州 置牧 丹陽郡 置太守

吳郡

後漢末封孫策為吳侯弟權據有江東黃龍

元年遂徙為都宮城在淮水北五里據覆舟

山 吳志張紘謂孫權曰金陵地形有王者氣宜為都邑後劉備東宿秣陵亦勸都焉權



世系一  
日智者志同諸葛孔明亦云鍾阜龍盤石城  
虎踞帝王之宅遂爲都四世凡六十年

### 東晉

揚州初徙治石頭後築城東南臨淮水上名  
東府城舊治爲西州城 丹陽郡置尹

### 晉都

晉元嘉元年陳敏亂以琅邪王睿爲都督揚  
州軍事鎮建業至建興間受愍帝詔即晉王  
位改元建武明年愍帝凶聞至始即帝位建

都避愍帝諱改建業爲建康官城仍吳之舊  
置琅邪郡領臨沂即丘陽都德懷八縣僑置  
淮南魏廣州高陽棠邑南東海南東平南蘭  
陵八郡

### 宋齊梁陳

揚州 丹陽郡如故領江寧丹陽建康秣陵  
句容溧陽建興郡領建安同夏烏山江乘臨  
沂湖熟



建都仍晉宮城

隋

改江都為揚州 廢丹陽郡置蔣州於石頭

唐

江南東道 丹陽郡廢郡後蔣州又折置江  
寧郡廢復置昇州初改江寧縣為歸化又為  
金陵折其地為建業徙為白下仍為江寧又  
廢為上元

南唐

改昇州為金陵府又改為江寧府

南唐都 初偽吳楊行密子溥將徐溫領昇  
州改築城郭溫假子知誥篡吳以府治為宮  
國號唐復姓李更名昇

宋

江南東路 江寧府治上元江寧句容溧陽  
溧水五縣



南宋

江東路 建康府領縣同

留都 建炎三年宋失河北改江寧為建康

府以府治為行宮

置官都督宣撫制置安撫諸司皆寓治於此

元

江浙行中書省

城中置錄事司與上元江寧分治

江南道

集慶路置總管領屬同陞溧陽溧

水為州

國朝

京都 改集慶路為應天府置尹領江寧上

元句容溧陽溧水江浦六合高淳八縣

高淳後設

聖祖龍飛初定鼎于茲

太宗遷鼎于燕為京師應天為南京

紀城郭

其二柵壘附

古越城在秣陵縣長千里宋江寧縣尉廨後

淮水南一里半與天禧寺對城周二里八十



步圖經嘉祐實錄石邁事迹所載宮苑記周元王四年越相范蠡所築越絕書即吳牙門將軍陸機宅城在三里岡東南瓦棺寺閣在岡東偏也

楚金陵邑城即石頭城處周顯王三十六年楚威王滅越私吳越之

富擅江海之利置金陵邑於石頭秦滅楚屬鄣郡漢封韓信於楚六年廢

漢丹陽郡城按吳苑記去長樂橋東一里南臨

大路長樂即今武定橋東南有長樂巷蓋東

城角之內外皆是城周一頃闢東南北三門

漢志元封二年置丹陽郡治宛陵建安二十六年始自宛陵徙治建業晉太康中乃傍淮

築城宋齊梁陳因之

古都城吳大帝所築在淮水北五里據覆舟山

下東環平岡西城石頭後帶玄武湖前擁泰

淮周迴二十里正門曰宣陽又南五里至淮

水為大航門時都城皆設籬曰古籬門宮之

後有苑城黃龍元年自武昌徙都築城始

金城即上元縣金陵鄉○吳後主寶鼎二年以靈輿法駕迎神於明陵使丞相陸凱

奉牲醴祭於近郊後主於金陵門外露宿明陵乃後主父故太子和陵也○蔡曰金城賦



云遊金城以愴然問種柳之何在咲吳王之信巫乃露宿於門外○晉成康中桓溫鎮江東之金城種柳後北伐還過金城見柳已十圍悽然嘆曰物猶如此人何以堪攀枝執條為之流涕

吳冶城即今朝天宮地相傳為吳鑄劍之所一云夫差之吳一云孫權之吳

東晉建康城因吳之舊正陽門宣陽門宣陽之左有開陽清明二門右為陵陽東曰建春東陽西曰西明閭闔北曰廣莫玄武延熹大夏

凡十二門宮城正門曰大司馬門與宣陽門相對

臺城即吳苑城晉成帝咸和中脩繕為宮周八里

南朝都城東晉亡宋齊梁陳相繼為都不改其舊宋於臺城東西開萬春千秋二都門城十二門皆仍其名

古揚州城晉永嘉中自曲河遷於建康即西



州城建康實錄城所置西為治城東東府城

徙揚州城於古青溪橋東南臨淮水周三里

九十步晉安帝義熙十年冬徙揚州治於此

領揚州以此城居彭城王義康文帝元嘉中

義康更開拓北墉浚西塹自後常為宰相府

景和中改為未央宮明帝時建安王休仁

鎮東府訛言東城出天子帝愬殺休仁閉東

府不居桂陽王休範反車騎典籤茅恬開東

府納賊齊高帝封齊王為齊宮梁太清

三年侯景舉兵毀陳天琅邪城晉元帝處

嘉中更徙東三里陳亡廢琅邪城晉元帝處

國人之隨渡江者津有琅邪城即向容琅邪

鄉相接地仍在上元僑寓臨沂懷德諸廢縣城俱在上

北秣陵城官城南八里一頁建鄴城晉大康

秣陵淮水北為建鄴縣在宣陽門內古御街東白下城近琅邪本江

湖熟城在上元丹陽檀城在上元縣清風鄉

玄別墅太傅安賭碁所勝處亦曰五城一在

墅城宋檀道濟所居之處故名

二十五里晉王敦敗王含錢鳳率餘黨自柵

塘西置五城一在石頭唐韓滉觀察江東自

京口至上山修壘壁

建五城雉堞相望

蔣州城在石頭隋平陳

唐趙郡王孝恭平輔公拓於此城置揚州大

都督府上元縣城昇州城皆圍以為治後廢

世已卷一







國朝都城

皇明定都大建城闕城之城惟南門大西水西  
三門因宋之舊更名聚寶石城三山自舊東  
門處截壕爲城開拓八里增南門二曰通濟  
正陽自正陽轉北建東門一曰朝陽從鍾山  
之圍繞而西抵覆舟山建北門曰太平又西  
擬覆舟鷄鳴山綠湖水以北至直瀆山西八  
里建北門二曰神策金川西北括獅子山於

內雉堞東西相向建門二曰鍾阜儀鳳自儀  
鳳迤邐而南建定淮清涼二門以接舊西門  
而周九十六里外郭西北據山帶江東南阻  
山控野闢十有六門東六曰姚坊仙鶴麒麟  
滄波高橋上方南六曰夾岡雙橋鳳臺馴象  
大安德小安德西一曰江東北三曰佛窻上  
元觀音周一百八十里

皇城在都城內之東鍾山之陽正南門與都城



正陽門直對曰洪武內承天門端門與子城  
午門直對左曰東長安門右曰西長安門橫  
過承天門之前東近北曰東華門內東上南  
門東上北門西近北曰西華門內西上南門  
西上北門曰玄武門內北上東門北上西門  
子城之門見宮闕紀

紀宮闕 其三

吳太初宮正殿曰神龍南五門正中曰公車次

東曰昇賢更東曰左掖次西曰明陽更西曰  
右掖東面正中曰蒼龍西面正中曰白虎北  
面正中曰玄武北直對臺城西掖門前路東  
卽古御街有臨海諸殿周迴五百丈建康實錄吳大帝遷都建業徙武昌宮室材瓦繕太初宮卽長沙王孫策故府赤烏十年作

昭明宮始謂之新宮周五百丈與太初宮相

望後主移居之

吳志後主甘露二年起新宮於太初之東二千石已下皆

入山督伐木又攘諸營地開苑起山作樓觀飾以金玉開北渠引後湖水入內旋繞堂殿



伎巧窮極  
功費萬倍

南宮吳太子宫在南赤烏二年大帝適南宮  
赤烏殿在昭明宮內時赤烏見因名

晉建康宮初元帝即太初宮為建康宮成帝咸  
和七年新宮成亦名又顯陽宮在法寶寺南

實錄云即臺城也內外殿宇大小三千五百間南向二門東西西北各一門

永安宮即吳東宮在臺城東南宮苑記云在臺城東華門

外孝武太元二十一年作東宮本東海王第安帝立以何皇后居之桓玄拆其材木移入

西宮以其地為細柳宮

太極殿建康宮之大殿也十二間象一歲之

月梁武改製十三以象閏高八丈長二十七

丈廣十丈竝以錦石為砌東西有太極東西

堂各有閣方庭六十畝考證云太極殿周制路寢堂魏制小寢也

晉記曰謝安造殿欠一梁忽有梅木流至石城下乃成畫梅於上以表瑞實錄云謝安欲

王獻之題榜於言乃謂魏韋仲將懸虛堯書凌雲臺以諷之獻之曰仲將魏之大臣寧書

此事有之知魏德之不長也遂止中興書云郭璞云二百一十年此殿為奴所壞後為梁



武毀之梁武捨身為奴

清暑殿在臺城內晉孝武造重樓複道通華林園爽塏奇麗莫比

宋親蠶宮在上元鍾山鄉閣婆寺前紗市中南史

云宋大明三年立皇后蠶宮於西郊四年三月皇后親蠶於郊嘉禾殿宋孝

武五年清暑殿西薨生嘉禾一枝五莖改名

嘉禾殿

玉燭殿含章殿皆宋武所造在宮中孝武帝女壽陽

公主於人日卧含章殿簷下有梅花落公主額上成五出拂之不去經三日洗乃落他女

奇其異競效之作梅花粧紫極殿明帝造珠簾金柱江左所未有

齊世子宮齊武帝為世子時以石頭城為宮

顯陽殿昭陽殿鳳莊殿乾光殿顯陽昭陽二殿本太后皇

后所居未明中無太后皇后皆貴妃居之上數遊幸諸苑載宮人從卓後宮內深隱不聞

鼓漏聲置鍾於景陽樓上芳樂殿在臺城內官人聞鍾悉起收束以候

齊史東昏侯大起芳樂王壽諸殿以麝香塗壁刻畫粧飾窮極綺麗後者自夜達曉猶謂

不速後宮服御極選珍奇府庫舊物不復周用民間金寶價皆數倍鑿金蓮華地令潘妃



步之謂靈和殿在臺城內益州刺史劉浚獻

靈和殿下三年柳成枝條柔弱狀如絲

梁金華宮在青溪東去臺城二里興池志大同

昭明太子薨官屬罷妃蔡氏別居金華宮五

明殿在臺城內梁大通中有四老鷄衣躡履

召入儀賢堂賜沐衣以御衣昭明太子喜日

為四公子移入此殿更重之大同末魏使崔

敏來聘敏博瞻儒釋天文醫術帝選十人於

此殿推論三教百家六籍五運九十餘日崔

敏忘精喪神傷心嘔披香殿在臺城內後宮

血歸未及境而卒

庾子山詩宜春苑中春重雲殿梁武帝造在

巴歸披香殿裏作春衣

華林園陳書云高祖三年戊辰重雲東吻有

紫烟出燭天隋志云前殿有銅渾儀

是偽劉曜光初六年南陽孔挺林攷殿在覆

所造何承天以為張衡所造

舟山前光嚴殿在景陽山東建康宮鳳光殿

光華殿寶雲殿皆在臺城內宮闕簿云大通

取珠貨直百萬於光嚴殿後起重

閣七間寶雲殿仍在內作佛事

陳求賢殿在臺城內後主皇后沈居之后字務

好學孔貴妃為寵后無怨色衣無綺繡惟事



薨后自作哀冊文辭甚酸苦朝賢痛之安德宮在宣陽門外宮

記陳宣帝為文皇后築在都城梧園宮別館吳王

西南角外隋移江寧縣於此未央

有梧楸成林云在句容縣不詳所在任未央

昉述異記古樂府云梧宮秋吳王愁未央

諸宮南史宋廢帝景和元年以東府城為未

章宮以南第青溪宮在青溪上南史齊武帝

為長楊宮生於建康之青溪

宮後為芳林苑宋起正福清曜等殿於臺城起永正溫文文思

壽安等殿於溫德門內梁起惠輪殿陳起昭

德嘉德壽安乾明有覺等殿皆奉佛事宮闕

又有三善長春勝辨等殿又為嘉禾崇政承

香栢梁延昌神仙永壽七賢璿明延務龍先

至敬璇璣先昭大政栢香諸殿

南唐宮在今內橋北五代史清泰元年吳徐知

居于私第虛舍以待吳王吳王詔知誥還府

舍甲申大火乙酉又火知誥疑有變勒兵自

衛巴刃復入府舍天福二年知誥建太廟社

稷牙城曰宮城堂曰殿南唐書即金陵府為

宮惟加鴟尾欄檻而已終不改作江南野錄

初臺殿各有鴟吻乾德以後天王使至去之

還復用通鑑長編慶曆八年江寧府火李璟

大建宮室府寺皆擬帝京時營兵謀亂伏誅



既而火知府事李宥懼有變闔門不救  
延燒幾盡惟存一便殿乃舊玉燭殿也

### 宋行宮即南唐宮地

宋天禧二年真宗詔以昇州為江寧府冊命皇太子

行江寧尹克建康軍節度使追封昇王仁宗即位進昇為大國建炎元年李綱請以建康為宋二年駐蹕神霄宮詔改江寧府為建康府紹興二年李光即府舊治為行宮創後殿

宮門之內寢殿南為朝殿寢後有復古殿東

宮之後孝思殿復古殿西小射殿御教場北

大射殿

### 國朝宮殿規制

大內六門正中曰午門左曰左掖右曰右掖東

曰東安西曰西安北曰北安午門之內大殿

之前曰

奉天門左小門曰東角右小門曰西角東西隅

有樓東角之南曰左順門西角之南曰右順

門奉天門內

奉天殿東曰文樓西曰武樓殿之左曰中左門

殿之右曰中右門大殿之後曰



華蓋殿華蓋之後曰謹身殿左順門之東曰文  
華殿右順門之西曰武英殿謹身之後爲

乾清宮後曰坤寧宮又柔儀春和二殿見京城圖志

紀郊廟其四壇社附

吳太元元年始祭南郊在秣陵縣南十餘里建康

實錄秣陵縣南有郊壇村即吳南郊地吳志大帝時羣臣奏宜郊社以承天意帝曰郊社宜中土奏曰普天之下莫非土土文曰都豐鎬非中土也不聽終吳之社郊祀廟社皆缺無可紀者

晉元帝建武二年定郊兆於建鄴之南太興二

年立於城南十餘里在長樂橋東籬門外三

里司徒荀組擬漢獻帝都許即便立郊自宜於此脩奉王導等皆從組議始立郊於已

地制度皆太常賀循所定唐會要建鄴之南去城十里一壇之上尊卑雜位千五百神世

傳郭璞卜立之大寧三年議立北郊未就咸通八年

成帝追述明帝立於覆舟山南制度一如南

郊宋書江左未立北郊地祇衆神共在天郊南郊五帝之佐日月五星二十八宿文昌

北斗三台司命軒轅后土太乙天乙太微鈞陳北極雨師雷電司空風伯老人六十二神



北郊五岳四望四海四瀆五湖五帝之佐沂  
山嶽山白山霍山醫無閭蔣山松江會稽山  
錢塘江先農四十四神文帝元嘉六年奏省  
四望松江五湖其鍾山白石既土地所在並  
留如故  
**太廟在秦淮西**  
晉元帝十六年改築太廟中宗置郭璞遷定帝嘗嫌廟迫淮水西逼路欲依洛陽改入宣陽門內尚書僕射王均奏為龜筮不違帝從之  
**太社太稷壇**  
元帝建初立宗廟社稷在古城宣陽門外郭璞卜遷之左祖右社玄風觀在太社西偏對太社右街東廊即太廟也社立  
**雩壇**  
晉穆帝永和三年壇帝社太社各一稷一雩壇中議制依南郊之  
**禘壇石**  
通典江東太廟門北有竹葉文石元嘉中得之陸登云晉武帝

郊禘石也

**宋孝武大明三年遷郊兆於秣陵牛頭山西在**

**宮之午地**  
尚書左丞徐爰議郊祀之位遠古茂聞燔柴於泰壇就陽位也建元

初甘泉河東裡埋失位終亦徙於長安南北光昭紹祚定二郊於洛陽南北晉氏過江悉在北及郊兆之議紛然不一又南出道狹未聞開闢遂於東南巳位創立丘壇皇宋受命因而即改但居民之中非邑外之謂今重造舊畢新南驛宜郊正午以定天位乃陟於秣陵牛頭山在宮之午移北郊於鍾山北原在地也廢帝復移舊處

**鍾山定林寺山顛有平基二所濶數十丈即**



其地宋太祖以晉北郊為樂遊苑移於湖塘西北其地卑下移於白石村後又移於北原大廟太社皆仍晉舊

梁武帝即位南郊為壇在國之陽常與北郊間

歲普通六年改作南北郊隋志梁南郊壇高一丈下徑十八丈其外開墼四門運曆圖云大通五年郊祀異香三至神光五色圓照滿壇北郊為方壇上方十丈下方十二丈高一丈四面各有陛外為墼再重

廟社仍舊

零壇天監九年有事零壇遂移於東郊在藉

田之域內武帝以雨為陰類求之正陽其謬則零壇應在東方既非盛陽為生養之始祈晴亦宜於此

籍田壇在東郊十五里普通二年移籍田於建康北有便殿齋省

明堂晉元帝受命中興宜享明堂宗祀之禮大明五年有司奏國學之南地實丙祀

但爽壇平暢足以營造惟有二間以應曆數

之制是年五月作宮苑記在博士省南太廟

南為國學國學南為博士省○梁武帝天監十二年詔明堂地卑濕可量就埤起



陳武帝修繕南郊圓壇高二丈二尺二寸上廣十丈柴燎白天

明堂焚毀盡匠作宇文愷量臺趾丈尺奏聞

南唐郊壇即梁故處在長樂鄉去城十二里

國朝

天地壇在正陽門外之左初建園丘方丘於中

都洪武門外之東分祀後

聖祖謂王者父天母地無異祀之理乃建壇于

此合祀左右列日月星辰四壇外列五嶽五

鎮四海四瀆風雲雷雨山川太歲歷代帝王

天下神祇城隍之神從祀壇制闕四門而繚

圍列壇中圓壇之上為大祀殿前為齋宮大

垣之左列神樂觀樂舞禮生設犧牲所養犧

太廟在端門之左廟街門之內

社稷壇在端門之右社街門之內

聖祖謂五土生五穀以養民故合祀於一壇正統

間因以順天府為京師以應天為南京許



龍江壇在金川門外  
行幸出師 親王之國祀江於此

金陵世紀卷之二

紀官署 其五

吳蘭臺 在杜姥宅東南端門街東 謁者臺御史

臺 並列宣陽門內 五省 金陵故事在三臺路北苑城記臺省列種槐柳 扶南

署 實錄吳赤烏七年扶南獻樂人署以教之在江寧縣北

鴻臚寺宗正寺太僕寺太府寺 宣陽門內 太弩署

太史署衛尉府脂澤庫右尚方 實錄儀賢堂初號中堂在

都城宣陽門內路西亦名聽訟堂在鴻臚寺西南衛尉府南宗正寺太僕寺太弩署在脂



澤庫更南即太史署太府寺東南角逼路宣陽門內過東即容省右尚方並在亥風觀後

### 晉東宮坊一名太子坊

坊晉有顯昌桂芳椒芳等坊不詳所在○齊劉俊

遷太子中庶子武帝在東宮每幸俊坊聞論至夕賜屏風帷帳○梁蕭子範直坊賦序曰

余以天監六年為洗馬廩犧署城後以養天十七年復直中舍之坊

地宗廟苑倉吳赤烏三年使御史却儉鑿城犧牲西南自秦淮抵倉城名運瀆晉

咸和中脩苑城不毀在西石頭倉吳置晉名華門內道北名古太倉

朝因之唐徙治城

### 宋錦署

福城錢署淮水北平淮署在五城村藏寺東

所如偃刻漏署故事銅蟠螭置在臺城宋平月形姚秦遷洛陽舊物蟠螭在焉

紙官署在長樂橋側齊造銀公車府輿地志光紙賜王僧虔處

在公車府西北五路及諸廟車凡駕馬之所

### 梁騎官署

東宮城後一名止戈署乃造兵器所

揚州治初在西北州城內丹陽郡在淮水南秣陵縣舊在東南六十里今秣陵鎮

建業縣晉秣陵縣淮水北為建業縣江乘縣在今江

在都城宣陽門內御街東

陽縣今上元縣湖熟縣上元縣東南同夏縣



今上元縣長樂鄉  
同夏浦舊府城  
臨沂縣今上元縣東北懷

德縣今上元縣  
即丘縣陽都縣俱在今上元

隋蔣州治近石城郭龍首倉古石頭津倉所貯五十萬

唐昇州治即今內橋北南唐上元縣始置治近

石頭城

宋轉運司紹興三年以建康府治建行宮改轉

初治在東錦繡坊今舊內地總領所都酒務北都統制

衙行宮子馬帥衙侍衛馬軍司在府城正街沿

江制置司五庫抵當庫一錦繡坊南一在

軍器庫在經武橋東都受給庫在淮西總領所

九庫軍須庫在軍資庫側大軍庫在總領所

樁備庫總領所西有公江東轉運司四庫錢

使庫雜物庫公戶部提領酒庫所八庫鳳臺酒

使庫典庫橋南鎮淮酒庫建業坊嘉會酒庫大木街豐

裕酒庫南門外龍灣酒庫在龍灣市坊江酒

庫北門外東酒庫在城東北酒庫在太平橋南

建康府初在天津橋北八倉廣濟倉乾道橋



倉左轉運倉上水門外大草倉下水門內十  
平糶倉制置司轉運倉制司倉凡八倉

一庫聖節從物庫舊府治西節儀庫王麟堂  
東都錢庫府治廳北椿積禮尚鞍轡皆

在府治內公使酒庫天津橋側醋庫三所一  
在舊米市一在安樂廬側一在舉子巷淮市

典庫在六務雜貨務總領衙西雜買務衙東  
南市易務新橋南平阜務御街

東秤斗務壽寧寺八場雜賣場佳麗樓東西  
西都稅務寬征坊都缸場在龍灣柴場

一在城隍廟側一在龍光門外一在朝宗坊  
西茭草場東門外轉搬倉側竹木場在府社

壇東抽分場上元縣徙城東江寧縣清化坊  
在靖安鎮尊賢坊

南唐徙此惠民局三安撫局府治西總領  
都統二局俱在治雪霽四

行宮者東門外安撫都統者俱  
在北門外防江軍者鷄籠山側

元集慶路元改建康路為集慶路開總管府置  
治于館作坊古東南佳麗樓總宣慰

宣撫錄事司徙城中設錄事司與縣分治  
徙江寧縣於城外越臺處江寧

縣南門外  
越臺處

國朝

宗人府吏部禮兵戶工五部設于洪武門之東

北翰林院詹事府太醫院在五部後中前後

左右都督府設於洪武門之西北通政司錦



衣衛欽天監太常寺在五府後鴻臚寺行人

司在通政司之北刑部都察院大理寺在太

平門外光祿寺尚寶司同六科在宮城內營

繕所大中文思院准清寶源局大中織染所

皮作局軍器局顏料局以上並軍儲倉黃冊

庫軍儲散在西北黃冊寶鈔提舉司抄紙局

印鈔局以上屬鑄印局僧錄司道錄司教坊

司以上屬會同館兵中兵馬司東兵

馬司工部西兵馬司外南兵馬司聚寶北

兵馬司鼓樓

巡撫都御史臺在會同提學御史察院舊在會同

聚寶門內總督糧儲都御史臺在會同巡按

察院舊在朝天宮前應天府在內橋西南

錦繡司置於復成橋北廣積庫府治都稅司大中

坊地南宣課司五分司一江東門一聚寶門一朝陽門

稅課局儀鳳巡檢司三江東稜批驗茶引所



都稅龍江通運所河泊所儀鳳上元縣府治

淳化鎮巡檢司縣東四十里江寧縣在府治南元集慶路地

句容縣去城東九十里溧水縣城東二十里溧陽縣城東二十里

高淳縣東南二百四十里江浦縣大江西北四十里六合

縣北渡大江僅九十里

### 紀靡泮 其六

東漢丹陽郡學李忠為丹陽郡太守起學校春

吳立學詔置學官五經博士吳景帝永安元年詔曰古者建

國家學為先所以道世治性為時養器也自建興以來時事多故吏民頗以目前是務去本就末不循古道夫所尚不淳則傷化敗俗其按古置學官至五經博士核取應選加其寵祿科見吏之中及將吏子弟有志好學者各令就業一歲課差其品第加以位賞使見之者樂其榮聞之者羨其譽以敦王化以隆風俗

晉立太學於淮水之南元帝初王導上書曰風

乎庠序設五教彝倫攸序而有耻且格父子夫婦長幼之序順而君臣之義固矣方今戎

虜煽熾國耻未雪忠臣義夫所以扼腕拊心則化之所感者深而德之所被者大使帝典

闕而復補王綱弛而更張獸心革面饗餐檢情揖讓而服四夷緩帶而天下平從得乎其



道豈難也哉故唐虞下戚舞而格二三苗魯僖  
泮宮作而服淮夷今若聿遵前典興復道教  
擇朝之子弟並入於學選明博脩禮之士為  
之師化成俗美莫尚於斯帝納其言○益州  
刺史應詹疏曰元康以來賤經尚道以玄虛  
夷放為宏達以儒術清儉為鄙俗宜崇獎儒  
官以新治化○太興三年皇太子釋奠于太  
學○咸康三年祭酒袁瓌太常馮懷請立太  
學於淮徙國學於太廟之南孝武帝太元十  
水之南徙國學於太廟之南  
請

### 宋立儒玄史文四學國學廢

宋文帝元嘉十五年立儒學命雷次宗居之明年又命何尚之立玄學著作郎何承天立史學司徒參軍謝玄立文學二年罷

國子學其地猶在○官苑記儒學在鍾山之麓呼為北山草堂寺處玄學在鷄籠山東樓立寺側其史學文學並在耆闍寺之側

### 齊立陵學開西邸延才俊命曰士林館

齊立陵學開西邸延才俊命曰士林館在西邸

### 梁大同六年於臺城西立士林館

初武帝好儒術終信佛法講譯內典而士林輕矣

### 南唐置學宮濱秦淮開國子監

初跨有江淮鳩宮在鎮淮橋北御街東其地呼國子監巷今應天府學云即其地



宋初建文宣廟於冶城又徙廟於浮橋東北建

府學又徙於府治之東南天聖七年張士遜以丞相領江寧府

奏徙廟給田十頃賜書一監景祐中陳執中徙學建炎兵燬紹興九年葉夢得更造援西

京例增置學宮熙淳四年劉珙重修慶元二年張杓建御書閣議道堂淳祐六年趙以夫

更命教堂為明德堂置兩廡以妥從祀十年吳淵列祀先賢增學廩立義塾寶祐中馬光

祖集周漢以來建明道書院淳熙初劉珙祠名賢贊而祀之程子於學宮淳

祐中理宗書額寶祐中馬光祖復增廣之給田四千九百頃歲入米二千四百七十斛折

租錢一百一十貫月給土錢五千貫蘆四十束出納有差

元設路學於宋學故地宋學大成殿外設櫺星

位明德堂後為御書閣下為議道堂東序三

守中進德說禮西序三常德育才興賢祭器

省庫義庄有廩大德四年災至大以後漸復學前碑亭極儻

國朝洪武初建國子監於鷄鳴山之南初以路

學為國學十四年始徙學街曰成賢門曰集

賢堂曰彝倫堂祭酒坐於東偏中楹虛中臨

幸位西分為博士廳東廂為祭酒燕居南為

司業廂西為繩愆廳監丞居之彝倫堂後為



率性修道誠心正義崇志廣業共六堂設助  
教學正學錄堂後為饌堂傍區設典籍典簿  
廳外置書庫監左監

文廟大成殿東西廡牲厨器庫外設戟門櫺星

門廟後設內號舍處監生之獨居者監外有  
法度規矩準繩八號凡百六十舍與平南舍  
相背水連接水自玄武湖通珍珠河設水碓  
磨礮石與監生之有室者為浣洗擣練無不  
具又設復字號以處起復者號扁皆磨希原  
書極  
端楷

武學在大市街北巷內以教武官幼者及戎家

子弟兵部武庫司領之廟學亦如儒學之制  
設教授訓導官為武

生較騎射學文亦有  
成法無廩饌之給

應天府學即集慶路學初為國學後迺徙為府

儒學上元江寧二縣學並省入增齋序學官

制度仍其舊永樂六年廟學災宣德七年守  
臣襄城伯李隆府尹史怡重建

成化七年復燬御史嚴銓再建府尹魯崇志  
繼成之弘治間府尹秦崇作隄以障秦淮水  
正德間府尹白圻繚以石檻元封號碑覆以  
亭重簷數丈極其偉麗御史蕭鳴鳳以風水



家說毀之甚為人所惜隆慶初教授趙孝祖乃於宮前種柳植柏繚以朱檻

嘉靖間別增啓聖祠祀孔子父建敬一亭貯

宸翰六碑敬一箴序范浚心箴程願視聽言動四箴共六碑

東置程明道祠西置名宦鄉賢二祠

新泉書院在長安街西嘉靖初大司馬湛若水建置田數頃以延四方之士

崇正書院在清涼寺東嘉靖間提學御史耿定向建置田數頃以給諸生

貢院在秦淮上府學之東大門之內西折為二門地廣十餘畝

中有樓曰明遠大堂為至公堂堂左右皆有中字為監試提調院列以膳錄對讀供給諸

所前空處即東西文場地號若干間大堂後

堂七間三間為會堂左右各二門為考官

燕居兩序則五經同考官室堂後大地架梁

於上池北之堂曰飛虹左右掖皆有屋隆慶

初都御史盛汝謙續購隙地繚以上垣四通

以貯巡兵外設公館及群舍以備供饌應天

府領之。宋乾道四年留守史正志建貢院

於建康面秦淮接青溪恐即此地初以府學

作貢院意兵燹後諸制未盡復也

### 紀衢市 其七坊巷附

古御街官苑記吳時自宮門南出至朱雀門七

宮正中曰宣陽門北正對宮城大司馬門直對朱雀門夾道南渠植槐柳古御街吳大初



宮北曰玄武門直對臺城西掖門之前路曰  
 右御街自閭闔門出為馳道輿地志云自宮  
 門至朱雀橋作夾路築墻瓦覆或作籬使  
 男女異行○庾闡揚都賦云橫春雀之飛梁  
 豁八達  
**朱雀街** 即朱雀航之北○王東亭云  
 之衝衢  
**朱雀街** 江左地促不如中國陌一  
 覽而盡其勢紆  
**焚衣街** 即御街齋東昏侯製  
 迴深遠巨測  
 二十餘出梁武帝克之焚滌  
**邀笛步** 在桃葉  
 服六十二種人呼焚衣街  
 乃晉王徽之邀  
 桓伊吹笛處

### 南唐御街

在天津橋南直對鎮淮橋至南門臺  
 內橋直對聚寶門者乃南唐御街也西錦繡坊今  
 坊即今應天府街南朝御街宣陽對朱雀航

非今之鎮淮橋古朱雀橋乃古桐樹灣  
 長樂渡處即今聚寶門東北長樂巷處

### 孔子巷

在青溪側大仁寺西南長樂橋東○  
 六朝事迹云輿地志載孔子廟在樂

苑東隔青溪本聖亭所奉之廟舊在溪南丹  
 陽郡之東南本東晉所立中廢宋元嘉十九  
 年詔復玉齋遷今處以舊  
**烏衣巷** 景定志云  
 地為浮圖俗呼孔子寺

寺北去朱雀橋不遠晉南渡諸王謝族盛居  
 此巷其子弟為官時稱烏衣郎故名丹陽記  
 吳烏衣  
**運巷** 在今朝天宮西黃泥巷世說敘  
 營處 錄冶城在今運巷東氏志當臨

運瀆景定志在朝天慶觀相接即黃泥巷沈  
 約自敘王父從官京師義熙十一年高祖賜  
 館于都亭  
**聖火巷** 建康實錄在縣東南三里  
 里之運巷 禪衆寺直南出御街東晉



王離妻李氏居之本洛陽人受祖母王氏傳持洛陽舊火南渡火色甚赤異于常火四方病者以火煮藥艾皆傳妖惑不能禁李氏卒火經時滅人呼為聖火巷

**巷** 在東府城西金陵故事會稽王鎮東府時立驃騎亭通驃騎航參佐巷在航之西

**竹格巷** 實錄在興巖寺北寺臨秦淮

在今府城東十八里謝幾**青楊巷** 吳苑記云

青楊巷乃吳庾闡所居諺云楊州**馬糞巷** 南

青是鬼營自庾及檀居者皆被誅

王僧虔世家此巷中多寬恕至王志尤重不錄人過有盜車輶賣之者亦不問子姓皆然

人稱其善**侍其巷** 慶元志舊為侍其巷所居號馬糞巷

有雉鷄巷恐**刁家巷** 南唐刁彦能

即此而訛**六房五房**

**巷** 慶元志在府治門對南直街高宗駐蹕省院吏所居戚氏志杭亦有此巷以居吏者

故云房又云乃南唐巷

**金華坊** 慶元志在宋上元縣治東○唐實錄

金華坊東逼青溪乃廢菰首橋於興業寺前開大通造金華橋度青溪通潤州驛

**鸞坊** 在武定橋東南德慶巷之左南唐近事

蔗一本今絳盡食之歌菩薩**康樂坊** 慶元志

靈運皆封康樂公是所居也**東西錦繡坊**



在御街右 **鍾山坊** 前東夾道 **石城坊** 行宮前

見前注 **長千里** 舊志秦淮南越築城長千丹陽記大

長干巷即今聚寶門外報恩寺前大道也 **鳳**

**凰里** 建康志在保寧寺後宋元嘉十四年大

雀身被文采眾鳥從 **孝感里** 在江寧縣南齊

死廬墓終身負薪有白兔 **古大市** 吳大帝立

紫芝生於壠畔因名焉 **南北市** 宋武帝立南市在三橋籬門外 **苑**

**市** 在廣莫 **小市** 凡十餘所皆列於淮水之北

淮水南凡二十四航路巷 **紗市** 在城西北 **鹽**

相達百貨輻輳古稱富麗 **市** 在朱雀 **銀行** 即今銀 **花行** 在層 **鷄行** 古放

**清化市** 即今北 **宮市** 後王使官人屠沽親為

陽惠明為 **大市** 令

**國朝大街長安** 在大中橋東北 **大通** 南北橫過

緯楔立 **大市** 在大中橋西南 **崇禮** 在正陽門

四面 **三山** 在大中街西南 **大市** 在府 **洪武** 在北

橋 **東直通西** **御街** 門南唐宮前街 **通濟街** 門外



中街 **西關中街南街北街** 三山門外 **聚寶街**

是也 **小街二十** 存義里仁時雍太平和

聚寶門外 **草鞋評事成賢北新習藝東習藝**

西寺望馬道周處磨盤十三丈街 **倉巷** 古倉城 **太倉巷** 二巷皆在 **盧妃巷** 在內

**銀鎗巷** 太倉巷 **竹竿巷** 臨淮上恐即竹格 **黃**

**泥巷** 在朝天宮之西 **百花巷** 在竹街北直通

街 **德慶巷** 在武定橋東南 **長樂巷** 在聚寶門

北古長 **軍師巷** 聚寶門內 **剪子巷** 在桐樹 **燈**

樂渡 **草巷** 油坊 **層樓巷** 江寧縣內 **遇仙巷** 江寧縣內 **長春巷**

江寧縣西 **金沙泉巷** 長春巷北 **了頭巷** 江寧縣東 **官店巷** 大通

街 **西井巷** 時雍街南 **斛斗巷** 里仁街內 **頭盛巷** 和寧街內 **手**

**帕巷** 善政坊內 **繖巷** 府治西 **乾魚巷** 斗門橋內 **糯米巷** 乾魚

巷 **馬家巷** 倉巷東 **鮮魚巷** 乾道橋東 **木龍巷** 皮作坊東 **板**

**巷** 織巷直西 **飲馬巷** 沙河街內 **走馬巷** 十三丈街北 **瓦子巷**

銀鎗巷內 **童子巷** 顏料坊南 **鬪雞巷** 雜後坊西 **針巷** 洞神宮西 **羊**

**皮巷** 裕民坊



大功坊 府治南中山王 全節坊 治城晉忠烈下壺墓 英

靈坊 十廟街前 都憲坊 北門橋南成化壬辰進士吳文度仕至戶部尚書

科第傳芳 淮清橋東都御史陳鐸中成化丙午鄉試第一名同弟欽丁未科進士欽仕

尚書坊 武定橋西弘治巴未進士梁至副使 尚書坊 材仕至戶部尚書贈太保謚

端尚書坊 大中橋西弘治丙辰進士顧磷仕至刑部尚書 太保尚書

坊 馴象門內正德辛未進士王以旂 會元坊 武定橋

坊 仕至兵部尚書贈太保謚襄敏 及第坊 武定橋

坊 大功坊西嘉靖乙未會試第一名許穀仕至尚寶司卿 建安坊 鼎新橋北 裕民坊 建安

東敦化坊 內橋 善政坊 大中橋西 善和坊 武定橋西 寬

征坊 飲虹橋西 織錦一坊 聚寶門內 織錦二坊 鎮淮橋北 織

錦三坊 二坊之西 雜役一坊 聚寶門內 雜役二坊 鎮淮橋北

雜役三坊 二坊名建業坊 鞍轡坊 雜坊三 銀作坊

鞍轡坊 北東 銅作坊 江寧縣西 顏料坊 銅作坊西 氈匠

坊 斗門橋東 鐵作坊 三山街西古 弓匠坊 鐵作坊西古舉

子箭匠坊 太僕館西 皮作坊 古習藝坊西

長安市 大中橋西 新橋市 飲虹橋北 三牌樓市 鼓樓北舊有牌



樓三街所接處  
北兵馬司前  
舊為酒樓  
舊有今無  
南市  
天津橋西北  
斗門橋東

舊為酒樓  
舊歌館  
舊橋市  
即北市樓之東南  
唐最盛  
北門橋

市  
洪武街西南  
唐北門街  
布市  
評事街  
南口  
網巾

市  
有三一在大中橋東  
一在北城豆市  
晚市  
定淮門內  
回龍橋側

居民至  
暮方集  
米市  
有二一在新街  
一在南門外  
鴿子市  
景定橋  
北舊名

羊馬市  
三山街  
南口  
豬市  
府治  
西口市  
聚寶門外  
竹木柴薪

諸物所聚一  
名小市口  
果子行  
斗門橋東  
諸果萃聚處  
帽兒行  
景定橋  
東南  
竹木行

在武定橋西  
臨秦淮竹木所聚  
菜行  
在安  
德川廣雜貨  
米豆

諸行  
俱在上  
新河

花鋪廊  
古御街東  
鼓鋪廊  
古御街東  
表背鋪廊  
鼓鋪轉東  
鞍

子鋪廊  
在三山街  
北口  
手帕鋪廊  
內橋西  
包頭鋪廊  
朝天

宮之  
東南  
麻鋪廊  
西  
紙鋪廊  
南  
錫鋪廊  
上  
浮

象牙鋪廊  
上元縣西南  
製象牙物  
扇鋪廊  
大  
中橋西  
大

草帽鋪廊  
鼎新橋  
西  
北  
香蠟鋪廊  
市雜物  
南  
生藥鋪

廊  
在下街  
南

廊  
在下街  
南



六畜場在江東門外 上下塌場在清涼門外

紀第宅 其八

吳張昭宅

宋志在淮水南對瓦棺寺云張侯橋即近宅丹陽記長干寺西有張子布

宅○本傳昭仕吳言不見用杜門稱疾帝恨之以土塞其門復焚之諸子扶昭起入朝

是儀宅

在臺城西吳志儀儉不治產門甚陋帝幸其宅麥飯蔬食無所增加○孫

權見大屋人謂儀宅權曰必非諸葛恪宅在玄風觀前南樓青溪東即江令宅

晉駱監軍宅

上元縣東二十五里崇禮鄉土山之下父老傳駱監軍宅吳志駱鏡

字公緒封新陽亭侯嘗為濡須督疑即其宅也陸機宅在秦淮宅金

淮有二陸讀書堂○陸機入洛懷舊居賦云望東城之紆徐邈吾廬之延佇

王導宅

在烏衣巷中南臨驃騎航晉記江左初立瑯琊王諸王氏皆居烏衣巷後

導憂敷覆族使郭璞筮之卦成嘆曰吉無不利淮水竭王氏滅王氏族益繁衍○世說王

導曰庾元規來吾當導曰庾元規來吾當角巾還烏衣南耳謝安宅在烏衣巷驃騎

岸謝萬居之北○桓温云得志以謝安宅為營謝混曰邵伯之仁猶惠及甘棠文靖之德

更不保五畝之宅耶温聞慙而止○蔡宗旦金陵賦云前予立乎淮渚思驃騎之古航慕

文靖之既遠宅五畝其已荒念謝尚宅在城憇菱猶勿剪歌詩人之甘棠

一里二百步來和四謝萬宅在長樂橋東紀年捨宅造寺名莊嚴



**瞻宅** 在烏衣巷晉書瞻厚自奉養立宅

**杜姥宅** 在治城側輿地志在端門外直蘭臺路東○晉成帝

后杜氏母裴乃杜弘治之妻封為廣德縣君時已老故當時呼為杜姥

**宅** 舊志在城東南五里隱之為廣州刺史罷官無還資離垣及陋妻子寒露内外茅屋

六間女嫁謝安移厨助之使人至日高蕭然乃令婢牽一犬入市賣之其清操如此

**宋何尚之宅** 尚之廬江瀟人為丹陽尹立私宅

於南澗置社學聚生徒東海沈慶之宅南史徐秀廬江何晏並慕道來

之傳居清明門外有宅四所室宇甚麗又有園在婁湖慶之一夕携子孫徙居以宅還

悉移親戚中表於婁湖同開迨前廢帝立加

几杖給三望車慶之每朝賀常乘犢鼻無幘

車左右從者不三五騎履行田園每農務剝

月無人從行遇者不知其為三公也柳元景

造之鳴笳列卒滿道慶之挿杖而耘嘗謝幾

侍宴賦詩云老朽筋力盡徒步還南園謝幾

**卿宅** 在城東南十八里幾卿免官居白楊建

**平王劉宏宅** 在鷄籠山宏年少而篤好文籍

齊武帝舊宅 宋舊志今城東一里青溪上臨泰

康青溪宅陳孝后劉昭后同夢龍據屋蕭子

上因小字龍兒○未明二年幸青溪宅

**良宅** 在鍾山之西○竟陵王子良行宅詩云

訪宅北山阿卜居西野外幼嘗悅禽魚



甲性羨 蓬薈 劉瓛宅 在城東二十五里青龍山之

屋數間上皆穿漏永平七年帝乃以檀橋地給之 周顥宅 在鍾山西

地側今為 徐達墓

梁武帝宅 城東十五里光宅寺基是為同夏浦

里三橋宅後即 沈約宅 在鍾山之下名東田

位置同夏縣 朱异宅 南史朱异及朱子自朝

居處儉素嘗 范雲宅 在城東南七里陳

池草木之盛每暇 范將軍三橋故宅詩云旅葵因漫井荒

陳江揔宅 在青溪大橋北揔在陳為尚書令亦

園路北後主 嘗幸其宅

孫瑒宅 在青溪東其西即江令宅實錄云瑒

者 伏曼容宅 在瓦棺寺東設高座

南唐孫晟宅 在鳳臺山西 區在鳳臺山西岡隴

之間徙居之日羣公萃止韓熙載見其門巷

卑陋謂孫曰湫隘若此豈稱為相第耶坐客

莫喻明年拜御史大夫 徐鉉宅 舊在攝山栖

橋園池 甚盛



宋王安石宅

宋志云即半山寺初公罷政以使

事賜允改左僕射未幾又求官觀累表得會

靈觀使築第於白下門外去城七里去蔣山

亦七里平日乘一驢從數僮遊諸寺入城乘

小舫從潮溝行未嘗乘馬肩輿所居四無人

僅庇風雨墻垣不設望若旅舍元豐末舍宅

為寺有旨賜名報寧即半山寺疾愈傲城中

屋居不復置宅在蔡寬夫宅南窓絕談云寬

夫之宅鑿也見金鑊瓦錫之器破碎交錯竈

下葦灰猶存知六朝喪亂壞積至此因記之

湖陰先生居不詳其所王直方詩話云揚德

清明過金陵上塚畢至蔣山過湖陰之居談

至盡日歲為常元豐辛酉癸亥訪之不遇題

一絕於門云北山松粉未飄花白下風輕

脚斜身似舊時王謝燕一年一度到君家湖

陰見詩吟賞久之稱於舒王王曰

正戲君尋常百姓也同發一咲

國朝陳遇宅

遇在元末為温州路學教授兵亂

御史秦元薦其可寄大事方之伊呂孔明

聖祖親為致書語意諄切乃就詔終不受官

三幸其居後中山武寧王宅在聚寶門內出

亦莫詳所在秦淮魯大功坊

國朝功臣仁信忠慎無出徐達之右者故

賜第名大

文僖公張益宅

在南門內正統初以

賜第後以侍從北狩

文僖公倪謙宅

在鐵作坊

死土木之難贈謚



伯坊公登正統己未進士及第授翰林編脩  
遷學士累承 顧問有裨時政官至禮部尚  
書贈 文毅公倪岳宅 在崇禮街公登天順甲  
少保 申進士入翰林累遷學  
士陞禮部尚書儀文制度多所擬定轉吏部  
銓鑑稱公卒贈少保定有世翰堂官保坊

### 紀樓宇 其九

**吳別館** 在句容縣 ○述異記云吳王夫差立春  
宵宮為長夜之飲造千石酒鍾又作天  
池池中造青龍舟日與西施為水嬉又有別  
館在句容椒梧成林 ○古樂府云吳宮椒吳  
是也 **吳客館** 舍遠使晉陶侃嘗屯兵於此  
**孫吳落星樓** 在上元縣東北臨沂縣前 ○吳大  
帝時山置三層樓故名 ○吳都賦

饗我旅於落星之樓是也  
宋志云落星墩疑即其處

### 晉入漢樓

在石頭城義熙八年於石頭城南起  
高樓數丈入於雲霄連堞帶於積水

### 故冶城樓

在朝天宮西偏卞將軍墓側 ○晉  
謝安王羲之同登冶城樓悠然遐

想有高世之志 ○嘉定  
四年重建接於忠孝堂

### 東冶亭

舊志云在城  
東八里續志

云在城東二里汝南灣西臨淮水晉太元中  
三吳士大夫于汝南灣東南置亭為餞送之  
所西臨淮水即當時冶處 ○謝安為揚州表  
宏為東陽郡祖道於冶亭羣賢畢集 ○南史  
王裕之元嘉六年遷尚書令固辭表 **樂賢堂**  
東遷改授侍中車駕親幸東冶餞送  
舊在臺城內晉肅宗為太子時蘇峻作亂官  
室盡燬惟此堂存云官城西南角外有清游



池通城中樂賢堂。○晉咸和七年彭城王紘  
上言樂賢堂有先帝手畫佛像屢經寇難而  
此堂猶存宜勅作頌下其議蔡謨曰佛者夷  
狄之俗非經世之制先帝量同天地多才多  
藝偶戲及此者至謂雅好新亭在城西南十  
佛道則未聞也其事遂寢新亭五里近江渚  
今石子岡云是亭處。○丹陽記陸安中司馬  
恢徙創於此。○世說過江諸人每暇日輒出  
新亭籍卉登飲周凱在坐歎曰風景不殊舉  
目有江山之異相視流涕丞相導愀然變色  
曰當共戮力中原何至作楚囚對泣耶。○寧  
康元年桓溫來朝屯兵新亭召王坦之謝安  
共發其壁溫為征虜亭。○丹陽記太元中創  
却兵笑語移日。○虜將軍謝安止此亭因名南史何尚之遷吏  
部郎歸省送別於冶渚父叔謂曰聞汝來須

城相送此送吏部郎非送何彦德也昔殷浩  
亦嘗豫章送者甚眾及廢徙東陽舡泊征虜  
亭積日乃至親舊無復相窺者。○勞勞亭舊  
徐鉉集征虜亭下南朝送別之場。○勞勞亭志  
城南十五里輿地志新亭隴上有望遠  
亭宋元嘉中改名臨滄觀又改勞勞亭

### 宋景陽樓

舊志在法寶寺西南精說中軍寨內  
遺趾尚存中為景陽臺。○輿地志云

宋元嘉二十二年脩廣華林園築山造樓名  
景陽。○孝武大明元年紫雲出景陽臺狀如  
烟迴薄父之詔改紫雲樓。○齊武烽火樓在  
帝置鍾於樓上令宮人聞鍾起粧。○宋元  
頭城西南最高處吳時舉烽火處也。○宋元  
嘉中魏太武至瓜步聲欲渡江始議非征侵  
朝士多有不同至是文帝登烽火樓極望不  
悅謂江湛曰北伐之計同議者少今日貽大



夫之憂在予過矣。○蘇峻之亂，温嶠入討，舟師直指石頭，峻登烽火樓，望見士眾之盛，有愬色，謂左右曰：「吾知嶠之得眾也。」**武帳堂**，元嘉中，建於武帳

帝宴於武帳堂，諸子至會所，日旰所賜，饌不至，皆為飢色。上曰：「汝曹少長，豐逸不見百姓之飢寒，今使汝曹有**招隱館**，在草堂寺側。○

京邑為築室於鍾山，西謂之**招隱館**。**商飈館**，在蔣廟西南，即九

五年立於**玄武觀**，在玄武湖上。○南史：帝臨孫陵岡側，**玄武觀**，在玄武湖，即此觀也。○

蔡景歷拜度支尚書，日駕幸玄武觀，恐景歷援舊式，午後拜官，不預，特令早拜，重之也。

**通天觀**，舊在華林園內，宋元嘉中，與景陽樓同造。按晉武帝講孝經於通天觀，晉

已有矣。

**齊青漆樓**，在臺城內，齊書：世祖興光樓，上施青

不巧，何不**穿針樓**，舊在華林園，宋層城觀與純用琉璃，**穿針樓**，地志云：齊武帝七月七日

使宮人集層城觀，**水亭**，在齊南苑中，乃陸針乞巧，號**穿針樓**。

亭亦在鳳臺，**木牛亭**，在江寧縣西南七十里，南傍秦淮，處真鄉相傳有香木浮

來，人取之為木牛，亭又名**木龍亭**。

**梁朝日樓夕月樓**，在華林園宮苑，記云：梁武帝

觀前起重閣，上曰**重雲殿**，下曰**光嚴殿**，殿當街起二樓，左曰**朝日**，右曰**夕月**，堦道繞樓九



轉極其巧麗。觀稼樓在城東二十五瓦棺閣在城西南

隅瓦棺寺閣也。偽吳順義中改寺名吳興閣亦名吳興寺南唐昇元初改寺為昇元寺

亦曰昇元閣。運曆圖云開元中瓦棺寺閣久西南傾因風一夕自正。南唐書閣因山

為基高可十丈平日閣影半江。開寶中王師收復士大夫暨豪民富商之家妻女少婦

避難於閣上迨數千人越兵舉儀賢堂在都火焚之哭聲動天一旦而燼

陽門內乃策士之所舊名聽訟堂梁名儀賢堂。梁大通中有四人皆年七十餘鶉衣躡

履行丐經歲無識之者武帝召入儀賢堂賜以湯沐解御衣衣之所問天文術數儒典釋

教百家無不隨答甚異士林館臺城西立士之昭明太子因與之交士林館臺城西立士

林館廷集學者

陳臨春閣結綺閣望德閣至德二年後主建。園天泉池東光昭殿前高數丈並十數間窓

牖戶壁欄檻之類皆以沉檀為之風動香聞數里又飾以金玉間以珠翠外施珠簾內設

寶帳其服玩瑰麗近古所未有其下積石為山引水為池植以奇樹雜以名花後主自居

臨春閣張麗華居結綺龔孔二貴妃居望仙並復道交相往來使女學士與狎客賦詩采

其尤艷麗者以為詞被以新聲名玉樹後庭花麗華聰慧有神采嘗於閣上青溪閣在青

靚妝臨軒檻望之飄若神仙。尚書江齊雲觀主令採木湘洲擬造正寢至

總所居齊雲觀主令採木湘洲擬造正寢至



牛渚磯盡沒既而漁人見棹於海上復起  
齊雲觀國人歌曰齊雲觀寇來無際畔

第陳書六門之外有別館甘露亭在鍾山鄉  
七年閏九月甘露三降樂遊苑

詔於苑內覆舟山上立甘露亭

唐孫楚酒樓在城西李白翫月城西孫楚酒

烏紗巾與酒客數人棹歌吹日晚乘醉著紫綺衣

秦淮往石頭訪翟侍御李白與當金令從叔詩小子別金陵來詩李白下亭又邀予白下亭

南唐百尺樓南唐宮中類說云唐主於宮中

儼曰恨樓下無井耳問其故對曰恨綺霞閣不及景陽樓耳唐主怒貶於舒州

亦在宮中與涵虛閣南唐後湖東宮園內澄心堂所在

○王直方詩話云澄心翠微亭在清涼寺山

宋淳祐中總領陳公綺創製石羅江亭古今

城登臨最嘉處也今不存矣

云李煜作羅江亭四面栽紅梅作艷曲歌之  
韓熙和云桃李不須誇爛熳已輸絕春風一

半時淮南望湖亭在鷄籠高齋見臺

宋鍾山樓在建康府治淳祐十年吳淵建忠勤

樓亦在府治與鍾山東南佳麗樓即今江寧  
樓並淳祐十年建

行街名賞花樓廢景伏龜樓在城上玉麟堂定初馬光祖建更名



在府治取留守 玉麟符之義 芙蓉堂 在前江寧府治內後

云芙蓉堂下疏秋水 且與龜魚作主人 錦繡堂 在忠勤樓下理

籌思堂 在轉運司治內本籌思亭王荆公 范宣公皆有詩紹興二十年改建

俠讀書堂 在清涼寺側俠閩人父翬江寧府 監稅治平二年俠下第隨侍於江

寧得清涼寺一屋讀書惟冬至元日歸省時 王荆公持服寓江寧聲迹相聞因鄱陽楊驥

語之曰鄭監稅子讀書清涼寺聞其名可一 相就驥往值大雪以酒食會晤俠賦詩有漏

隨書卷盡春逐酒瓶開荆公聞之甚稱賞明 年治平四年俠舉進士甲科荆公相見甚厚

後屢諫青 昭文齋 在鍾山定林庵王安石嘗 苗被謫 讀音於此米芾榜曰昭文

李伯時画安 賞心亭 在下水門之城上下臨

石像於壁 建○湘山野錄云丁晉公鎮金陵建賞心亭 以周昉所画袁安卧雪圖張於亭屏經郡守

十有四人雖極愛不敢輒取後為一守以凡 画蘆雁竟易去○續志云丁謂始與金陵陸

辭真宗出八幅袁安卧雪圖付謂曰卿到金 陵可選一絕景處張此圖謂張於賞心亭○

按湘山野錄茗溪集金陵紀事嘗言此圖為 謂家藏不言御賜且宋史並無賜画事謂恐

慮人取去而張大其事○景定庚申四月火 自龍王廟樓大軍倉馬光祖至倉所叩頭祈

天反風倉果不及火而賞心亭在反風處 遂燬光祖曰倉儲民命所關亭可重建

鷺亭 城上在賞心亭之西下瞰 覽輝亭 在保



後鳳皇臺側景定志云有碑  
不可讀但熙寧三年可辨  
折柳亭在賞心

誅為建練光亭在保寧寺即  
祖錢所練光亭大江故名○  
黃魯直云練光

亭極是登臨勝處然高寒不  
北穿土石作一幽房置茶爐  
一兩於方丈北有屋兩楹一  
一作虛窓與室曰凝香與密

而高而密而高而密而高而  
密而高而密而高而密而高  
而密而高而密而高而密而

君亭在華藏寺  
蓋竹所也  
半山亭在鍾山即宋王安石  
故宅安石當賦詩十

五忠孝亭在冶城卞壺墓側  
宋葉清臣命名

### 國朝閱江樓在獅子山首洪武七年建

太祖皇帝御製樓記其略曰官城去大城西將  
二十里抵江干曰龍灣有

山蜿蜒如龍號曰盧龍近視實體後倪之狀  
故賜名曰獅子山天霽登峯使神馳四極無

所不覽金陵故迹一目盈懷洪武七年春  
命工因山為臺構樓以覆山首曰閱江樓此

樓之興豈欲翫燕趙之窈窕吳越之美麗飛  
舞盤旋酣歌夜飲實在籌謀以安民壯京師

以鎮遐邇今樓成矣碧瓦朱楹簷牙摩空而  
入霧朱簾風飛而霞捲倚雕闌而俯視豈不

壯哉

建鼓樓在鷄籠山之西鍾樓在鼓樓之西皆極其壯

也建市樓十四所南市樓在城內斗北市樓

在乾道鳴鶴樓在西關中醉僊樓在西關中

橋東北街之北



輕烟樓

在西關南街

澹粉樓

樓在對烟

翠柳樓

在西關北

街梅妍樓

樓與翠柳樓相對

謳歌樓

樓在石城門外

鼓腹樓

與謳

歌樓相對

來賓樓

樓在聚寶門外之西

重譯樓

樓在聚寶門外之東

集

賢樓

在瓦屑壩西

樂民樓

樓在集賢樓北

尊經閣

在府學靖難師至周紀善以德知不可為留書別揚士奇等率同志悉死於此大學士李東陽樂府云尊經閣閣高不可攀前有宣尼宮後有鍾陵山尋災今重建

憑虛閣

在鷄籠山寺後據山背城極爽噎處前臨國學城中一覽殆盡為宴飲所

弘濟閣

在觀音門外幕府山之東據山絕壁半處下臨大江梯極危峻上憑

空眺遠

蓋極佳處下有弘濟寺亦名弘濟閣江中望之如仙山也

芙蓉閣

在頭山之南芙蓉峯下即嬾融所栖北巖後峯下有寺名華巖成化間北僧自斲木為閣

大觀堂

在華巖寺之西有堂七楹前設石檻直對牛首山望之儼如画屏列也

歸雲亭

在獻花巖東有雲常宿於此故名

木末亭

在雨花臺山翠微亭

山翠微亭

在清涼山巔舊創屢廢寺僧重建本朝學士李東陽詩云城中一

覽無餘地

相外

大觀亭

在燕磯臨江最勝處上有俯江亭下有

水雲亭

並東麓亭在治城山之東為殊絕眺覽得城之半







